

Sekolo sa Manoe se abelwa di Laptops

E bile lethabo le legolo go barutwana le barutishi ba sekolo sa godingwana sa Manoe kua Ga-Kobe ge ba amogela didirišwa tša Theknology ebago di Laptops. Sekolo se sa kgale sa go ruta go tloga ka mphato wa Grade 08 goya go Grade 12 se nale barutwana ba go balelwa go Makgolo'a mahlano. Barutwana ba sona ke ba gotšwa tikologong ya Ga-Kobe le dinaga mabapi. Barutwana ba bantšhi ba rata sekolo se, ka lebaka la history ya sona ya go tšweletša dipelo tše kaone kgafetša kgafetša. Babangwe ba bona ebile ba shumisha diPase go tla gona sekolong se. Hlogo ya sekolo se Aubrey Molokomme ke lebaka le lengwe la go dira gore sekolo se se ratwe ke barutwana le batswadi kage a tlišitše taolo ya makgonthe yeo e dirilego barutwana le barutishi ngatana e tee.

Sekolo se e bile sa mahlatse goba se kgonne goba le moithuti wa peleng yoo ga bjalo ebago Hlogo-Phetishi ya Khamphane ya Dynamic Recovery System, ebago khamphane ya mafarahlahla a Teknology. Edwin Moremi yoo e bilego morutwana sekolong se mengwageng ye mentšhi ya go feta, o gopotse sekolo se, gomme a kgetha go fana ka diLaptop tše 12 tšeo di tlilego go thusha go kaonafatša maemo a go ruta le go ithuta mo sekolong sa Manoe. Moremi o re sekolo se se kgathile tema e bohlokwa bophelong bja gagwe gomme o bone gole bohlokwa gore le yena a tle a se leboge ka go thusha bana bao ba ithutago go sona ga bjalo. O bolela gore diLaptops tšeo a di abilego di nepilwe go thusha barutiši go beakanya mananeo a bona pele ba eya diphapushing tša borutelo (go dira research), le go thusha barutwana gotla go dira dingakišišo malebana le mešomo ya gae yeo ba e filwego ke barutiši.

Meyara wa Maspala wa Blouberg, Mohlomphegi Cllr Maseka Pheedi o re tile Moremi ka gore ga se babantshi bao barego go rutega ba bowa go leboga dikolo tšeo di ba filego thuto. O re Moremi ke setho se bohlokwa sa setshaba. Meyara o ipileditše go hlogo ya sekolo Molokomme go netefatša gore diLaptop tšeo di abilwego di a šireletšwa le go hlokomelwa gore di tle di thuše barutwana nako e telele. Seo se akaretša go netefatša gore diLaptop tšeo ga di je ke aretse. O ipileditše gape go barutwana go netefatša gore ba di hlokomela ka kudu kage ele tša bona, e bile di tlile go šumišwa gape ke baratho ba bona.

Ka wa bona molomo, barutwana ba bontšhitše gore ba leboga thekgo yeo Moremi a ba bontšhago yona nako le nako. Ba mo tshepišitše gore ba tla hlokomela didirišwa tšeo, ebile ba tlile go netefatša gore ge ngwaga o fela, batla tšwelela dithutong tša bona. Lege sekolo se se sena Senthara ya maleba ya go bolokela diLaptop tšeo, phapuši ya nakwana e beakantšwe go netefatša gore moshomo wa thuto ya Sebaledi (Computer Class) e thoma ka ponyo ya leihlo gore barutwana baseke ba šalela morago. Seo se kgahlišago ka didirišwa tše ke gore barutwana bao ba senago bokgoni tšhomišong ya Sebaledi, ba tla le monyetla wa go ithuta.